

當陽縣志卷十八

藝文志下

四言古

贈士孫文始

士孫萌字文始年十五能屬文初父瑞知王允必敗命萌將家屬至荊州及天子都許昌追論誅卓之功封萌為濟津亭侯當就國祭贈以詩此因詩中有遷於荊楚在漳之涓二語故錄之

漢王粲

天降喪亂靡國不斁我暨我友自彼京師宗守湯失越用遁違遷於荊楚在漳之涓在漳之涓亦克宴處和通箴墳比德車輔既度禮儀卒獲笑語庶茲永日無讐厥緒雖曰無讐時不我已同心離事乃有逝止橫此大江淹彼南汜我思弗及載坐載起惟彼南汜君子居之悠悠我心薄言慕之人亦有言靡詰不思矧茲嫵婉胡不悽而晨風夕逝託與之期瞻仰王室慨其永歎良人在外誰佐天官四國方阻俾爾歸藩爾之歸藩作式下國無日蠻裔不虔汝德慎爾所主率由嘉則龍雖勿用志亦靡忒悠々澹澹鬱彼唐林雖則同域邈其迴深白駒遠志古人所箴允矣君子不遐厥心既往既來無密爾音

當陽縣志

卷之十八

藝文

四言古
五言古

二

宜昌印書館承印

五言古

過龍泉寺精舍呈易業二公

唐孟浩然

停午聞山鐘起行散愁疾尋林采芝去谷轉松翠密旁見精舍開長廊飯僧畢石渠流雪水金子耀霜橘竹房思舊遊過憩終永日入洞窺石髓傍巖采蜂蜜日暮辭遠公虎谿相送出

答族姪僧中孚贈玉泉仙人掌茶

并序李 白

余聞荊州玉泉寺近青溪諸山山洞往往有乳窟窟中玉泉交流中有白蝙蝠大如鴟按僊經蝙蝠一名僊鼠千歲之後體白如雪棲則倒懸蓋飲乳水而長生也其水邊處處有茗草羅生枝葉如碧玉唯玉泉真公常採而飲之年八十餘歲顏色如桃花而此茗清香滑熟異於他者所以能還童振枯扶人壽也余遊金陵見僧宗中孚示余茶數十片拳然重疊其狀如掌號為仙人掌茶蓋新出乎玉泉之山曠古未覩因持之見遺兼贈詩要余答之遂有此作後之高僧大隱知仙人掌茶發乎中孚禪子及青蓮居士李白也

嘗聞玉泉山山洞多乳窟僊鼠如白鷗倒懸深谿月茗生此中石玉泉流不歇根柯灑芳津采服潤肌骨叢老采綠葉枝々相接連曝成仙人掌似拍洪崖肩舉世未之見其名定誰傳宗英乃禪伯投贈有佳篇清鏡燭無鹽顧慚西子妍朝坐有餘興長吟播諸天



玉泉道中作

元稹

楚俗物候晚孟冬纔有霜早農半華實夕水含風涼遐思雲外寺峯巒渺相望松門接官路泉脈連僧房微露上弦月暗焚初夜香谷深烟靄淨山虛鐘磬長念此清境遠復憂塵事妨行行且前路勿滯分寸光

題文定公書堂

宋張栻

入門認碧溪循流識深源念我昔此來及今七寒暄人事幾經變寒花故猶存堂堂武彝翁道義世所尊永袖霜雪手琴書實邱園當時經行地尙想笑語溫愛此亭下水炯若玻璃盤暗看浪花涼靜見潛鱗翻朝暮迎日月俯仰鑑乾坤因之發深感倚檻更無言

登玉泉來青閣

明雷思霈蘇陵人翰林

石磴幾千級滂勃夾長柏奔泉冷山骨臥聽知永脈夕陽空翠生滿身變衣色倏鼓豐隆怒四顧層雲黑驚起老蛟精倒捲銀河瀉素朝天開霽亭檻俯石壁乍聞深澗濤吼山山欲劈峯饒林木青溪藉沙路白我家萬山中終日對山碧別來已四載見此欣有得塵土污緇衣城中車馬客

遊紫蓋山

楊讚邑庠

我望紫蓋山朝朝山色紫及乎陟其嶺漠漠蒼煙裏丹泉瓢飲豐盈虛有至理凭閣呼孝先孝

當陽縣志

卷之十八

藝文 五言古

十五

宜昌印書館承印

先呼不起一練裊秋空居人指江水

宿龍泉寺

柏溪

仗劍賦遠遊名山資幽討側聞龍泉勝江山愜夙好列嶂獻奇姿千峯勢相抱碧澗蟠蛟龍青林隱獲鳥山嵐滋石芝晴日曛瑤草雲封石門幽月傍佛樓小老衲解人情石榻爲予掃萸茗薦松花焚香分麝腦平生西方願稽首白足老暫謝塵世心跏趺坐青曉何時解天刑繕性息煩惱古鼎篆煙殘鶴夢青未了

謁關侯墓

黃聖年

立志在春秋取義愜幽獨凜凜烟霄間耿光灼人目矧茲登崇封森森羅宰木靈衣颯神爽閔宮敞肅穆驚颿紫駟怒陰霆寶刀煜流沔感霸圖山川阨全蜀漢燼自不然丹心此焉燭誰云數尺土英聲馳九服

坐東郊

楊誌字石父邑人

人境各氛雜絕無開口笑蕭七草莽間寂寂抱幽妙藉地作穩眠登高極清眺俯仰從所欣滄浪與同調宿鷺解避人潛鱗不上釣所以山澤心何曾慕廊廟有酒滿青巒欲醉復大叫何物送殘杯明月出孤嶠

遊玉泉山

國朝陳大佐邑庠

西來千萬峯堆藍獨尊特在昔鬢亂時亂離走澤國飽聞玉泉勝蠟屐殊未得乘間采真來會
際烽煙息翻如遠游人鬚眉乍相識石壁俯青泉蒼松染黛色茫茫埜馬中靜喧分晷刻何時
賦歸田誅茅北山北結伴隨流世路任傾側

丁丑八月再往玉泉山有作

李遙邑令

病廢從人嬾肩輿往玉山目極秋郊迥數峯出雲間哀蟬厲清響春燕已知還高下路透迤溪
流水潺湲青林茅舍出空谷足人煙領略成佳趣突兀已在前昔遊何倉卒形拘區內緣始信
達生者逍遙反自然

和李襄水明府遊玉泉見寄

楊州彥邑進士

巖壑有佳處領要唯異鄉嗟彼住山人不知山低昂誰能解此趣吾聞李惟陽案頭厭公事率
性解要章走馬忽西來披榛踰崇岡脫鞍踞石坐秋水照衣裳冥心託長嘯天宇曠茫茫賦詩
紀山志聊寄劉柴桑

寄玉泉般若上人

方瓊字深柳邑學博

堆藍以樸尊層嵐森卓絕鬱鬱復蔥蔥中含太古雪一井傳珍珠四時長清冽曩爲智者居隋
唐等一瞥我來黃鐘候正值吹葭節萬木漸就彫孤峯如立鐵襍被憩僧寮霜月兩澄潔赤髭
頗解事玉筍爲余設所愧手版疲腰瘦向人折不作桑下戀一宿遂長別幾思續前遊塵網苦

當陽縣志

卷之十八

藝文 五言古

二

宜昌印書館承印

羈紲猶記登般舟卻喜逢圓澤握麈妙談空坐永爐烟滅回首已三年南華徒願切會復打包
來重理無生說爲我致山靈幸勿掃車轍

漳上耕讀吟

林可法邑孝廉

詩書饒寂寞稼穡亦艱難漳上多舊族星棋住河干家世習耕讀途徑詎云繁朝向家塾裏夕
從陌上觀學殖防將落田功課未完兼營誠所誠交資得永安不讀墮俗流輟耕貽饑寒勿謂
儒術闕聖謨昭簡端邠風深可味無逸卷非殘休明治禮樂穡事寶琅玕富教何循匕王道異
申韓重知詩書旨一唱復三歎六經真世業百畝繞文壇農譜須成誦硯田肯暫乾勤勞應思
善吾伊足承歡慇懃督子孫他道從此刊謀身惟兩策並作一體看伏則稱良士出不愧衣冠
珠玉荒年給河洛指上攤及茲日華富努力勉加餐志莘復希顏野巷天地寬古人樂斯在尙
與共盤桓

登西屏山

葉文在邑副榜

巉匕西屏高仰窺一線路捫蘿梯絕巔目眩回頭顧攀危困力稀隨意歇雙樹突起雉驚鳴逢
人緩似怒偶爾喚老僧老僧知何處但見白雲陰紛紛結寒霧

題郭孝廉傳後

許廷鏞

民生無節孝何以立人羣至性誰不具臨難喪其真當陽郭孝廉家訓夙所申數窮節以見灑

血扶大倫妻也爲夫死子也代父身娥娥小弱女罵賊雙目瞋賊怒揮白刃螻首竟平分至今風雨夜冤憤聲如聞三綱漸凌替一且光乾坤節孝自古難而乃聚一門激昂表風烈百世垂後昆

弔趙師彥事詳忠節傳

熊經壁邑明經

醴泉本無源芝草詎有根正氣之所毓何必屬清門師彥窶人子食力住荒村其婦曰王氏辛勤共晨昏忽遭狂且侮一旦折雙鴛澄潭風雨夕歷歷泣煩冤邑侯廉其實次第達至尊繫匪寘之法錫旌沛殊恩名標列女志至今生氣存師彥苦無室饑驅那足論側身入城市饜官效趨奔大亂一朝起學舍成賊屯斯文眞掃地到處賊語喧行行值空宅結繩繫高軒從茲辭人世地下晤眞魂卿既負儂儂敢效犬豚各還清白體同是玉無痕作詩紀芳行長令風教敦

玉泉山寺雨中卽事

張致青

山低雲幕天春風夜陡怒雨挾溪聲飛客同山僧寤斷續上方鐘到枕風吹去曉起怯輕寒啜茗繞廊步時聞山鳥聲來自空濛處卻愁溼雲重壓折山頭樹

胡文定公書堂

呂紹新荆門人

古樹傍檻青亂山當戶紫我來訪遺蹤碣臥荒苔裏憶昔推大儒著書標宗旨論事本春秋魄令奸佞褫代遠復年湮父老談芳軌高風不可追斜日淡遺址

當陽縣志

卷之十八

藝文 五言古

四

宜昌印書館承印

黃安宅先生事詳忠烈傳

王懷孟四川舉人

人生僅百歲疾病免不得朝廷萬萬世那使全無賊賊平亦已久馬散犁銷鐵驅車玉泉山緬彼死臣節黃公余長親卓犖人中傑操刀宰當陽時逢潰瘡裂太平百餘年做戶夜不竊誰知白蓮池汎濫蒼生血白蓮根蔓延鬼道煽羣孽公實擒其渠投教狴犴嚼手無尙方劍擅殺不能決一旦起白巾野火燒城熱城中穴鼠狐城外環犀兕空有張睢陽竟乏霽雲使十上請兵書不曾到一紙搥胸可奈何坐殉空城死公子欲相從公曰胡爲爾執取漢節歸爲余報天子擊鼓坐堂堂虎口磨牙齒罵賊如罵奴臣力盡於此紫骨斷蔣侯碧血濺朱泚趙璧澄臣心泰山重青史畢公秋帆先生收當陽屠鯨等斬豕快哉無一逃白骨高熊耳天子嘉死綏雲騎錫恩旨丹旄若長虹馬革還桑梓我來訪遺愛巷祭尙不止忠魂定未歸日落關林紫

登玉泉山頂

聶子英邑庠

入夢不記年而今乃一踐所求雖已獲所歷非一險一身旋若蝨萬山翼如卵古來人何處茫茫不勝感

珠泉三首

姚錦江邑明經

朝陽輝山頂堆藍成畫圖蒼翠撲人面幻成色有無清音忽到耳泉來自西隅遊人一鼓掌纍纍如貫珠

其二

珠圓可以掬曲水穿其曲智者握智珠何能混魚目秋來此挹爽爽籟亭中宿塵世只箏琶空山有琴筑

其三

人生不百年苦以忙易閒誰知出岫雲不及在山泉泉清珠錯落泉沸珠盤旋問珠來何處疑是合浦還

長板雄風

盧永楷 邑庠

託孤白帝城顧命諸葛輔長板微子龍蜀漢無後主前後兩託孤子龍先報補不獨仰雄風忠義足千古

長板

陳啓瀛 湖南諸生

將軍昔熊虎孟德其如何重圍不能困所至胥倒戈膽氣褭敵魄英風留山坡我來懷往事長板碣摩挲太息經百戰扶漢功居多

丹井

仙人豈有術此翁但全真所以凡骨換相傳金丹神紫蓋玉之陽當年春復春鉛汞不復留古刹荆榛汲井井其智茲事徒惑人

當陽縣志

卷之十八

藝文

五言古

五

宜昌印書館承印

七言古

謁關帝祠

明余一龍 新安人

天不少延赤帝子雲長事業空傳史麟經幾向夜挑燈漢鼎那容人染指威懾阿瞞避欲遷神誅吳將封還死當陽遺墓尚依然寄語奸雄休過此

遠公洞

明張松 邑令

天作法洞亦太奇金巒玉嶂相參差石臺啓兮雲爲扉鴻濛開闢伊誰爲僕人篝火乃敢入洞裏一徑何逶迤縱目春光真浩蕩丹青圖畫未可狀松濤萬斛吼如雷彷彿飛泉巖壑上伊予乘興一朝來躡衣拉友步莓苔洞裏乾坤長不老壺中日月且常開瑤草瓊花儘堪掇森芝秀蕨亦堪瀨忽聽元鶴唳九皋又見神蔡飲泉冽間日遠公傲紫霞搗鍊山中歲月賒丹成白晝乘雲去洞口猶開昔日花山寺盤迴幽且僻探奇索異多騷客題鐫何妨破石雲酣飲始知月既白幾載提攜方外遊局促猶愧親行役躊躇把酒問春暉遠公丹竈今曾赤

黃平倩至玉泉以書見邀倍道趨之馬上感舊有作

袁宏道 公安人

曉枕濃和發清曉知是家人呼我字翻然一鶴自東飛銜得巴江牋子至臘花滿幅堆明巒邀我共蹋青溪翠怒帆一掣截長波馬不待鞭捶以轡頰藍疊綠瀉平田纈林稠葉點青膩當時京國好兄弟謝堂佳月城西寺幾年拋沒歎吹雲又作飛鴻留爪地老去怕逢緣熟人夢回每

說金華事欲知銷折幾番心看我衣衫重疊淚

玉泉鐵塔歌

鍾

惺字伯敬景陵人提舉

五金惟鐵最愚劣化爲浮圖萬象列立山水中精神子瘦幹高莖竦其節日星散氣冰霜結佛
數恆沙萬生滅鮫人出波鱗介別商周墨玉漢凹凸似非鑪冶出鑄缺臥蠶盤蝸不瑣屑元氣
淋漓取精竭阿育之鉢藏敢泄鬼物司之莫能竊其中出入風雷截流出峨嵋神僧掣關係運
數汗隆閱匿光送影大地閉摩挲情文耳目悅如几案間可擺撤巨細靈頑理難挈勿云巧力
傷樸拙請尋其本仍古鐵

五月十三日玉泉道中

袁中道 公安人

千山萬山雨忽至大珠小珠溪裡沸此是關公洗刀雨霑身也帶英雄氣疾雷先雨七如霆停
車且認玉泉樹志士奇窮避地時將軍血戰灰心處

玉泉卽事

梁 燿 邑庠

汲山井陘山嶺虎豹橫野人警遑遑去城市鼎沸連鄢郢短筇欲忘歸松掛夕陽景閒披鶴氅
裘饑餐松花餅一枕臥匡床晨鐘發深省

沮漲吟

國朝 楊州彥

西潭昨夜老蛟怒黑雲翻落秋霖注雷銜一派雨聲飛千溪萬壑奔不住黃河水色濺瀨波移

當陽縣志

卷之十八

藝文 七言古

六

宜昌印書館承印

來沒卻臨沮路細魚顛倒駭洪濤巨鯨車翻失故步疑如三家村裡兒乍踢都城生恐怖洄湍
蝕岸入崩沙橫流直下拔根樹土不勝水木不生遂使五行愆氣數野航如葉競先登逢人舌
敝公無渡眼花逐浪掉頭看怪底一身坐雲霧

覆舟山行

梁 霽 邑人

堆藍山色絕比擬西南林壑信尤美如何其形覆如船爲問何年曾覆此我聞古人善藏舟將
誰戰棹將誰艤迸出流泉珠萬斛濺飛瀉澗雜宮徵蒙茸竹樹冠其巔晴朝雨暮圍羅綺僧從
大漢建安來寺自楊隋大業始門前車馬足轢碌強半高官稱時宰景物櫻心各有託風雅淋
漓良可侈我來騎驢到山巔僊掌旋烹玉泉水詰曲蘿徑行欲徧躡踞老樹同凭倚斑駁古鐵
何時物內有青蛙鳴不已癸未迄今廿載餘丸轉光陰一何駛疇昔遊者今淪亡爾獨泊此將
焉俟將欲乘爾泛滄溟直蹋神山三萬里

登漳上雙冢

郭孫俊 巴進士

匹馬度芳郊側見兩高阜崢兀並峙立培塿俯無數古刹右之巔左阜荆榛護乘輿一登臨夕
陽照春樹春天色依依綠長川掩映村曲晴嵐如雨氣濛籠煙波杏靄迷人目一時春意
入懷中舒眼遙看大地空惆恍忽憶蘇門月一聲長嘯落歸鴻茫茫寄矚天涯裡渾忘攀陟身
在此何年此地冢成雙鳥比鴛鴦枝連理唐虞以後羲皇前知是誰生復誰死白日易黃昏千

年歷成毀雌雄難辨非與是不然可有豐城劍對壘長理待雷煥闔斂精華歲月多夜深氣應
冲霄漢冷七野曠山鬼驚光芒曾有幾人見吁嗟乎蒼梧峯九疑風景繫人思瞞冢七十二徒
貽後世嗤蒼涼望古移情久俯仰千載曷勝悲春風霎時飄不住脩然詠人前村去

玉泉鐵鏞歌

劉續祖邑明經

渾淪一點胎胚結五行斑駁陰陽血天物精多暴則殃楊家阿廢真橫絕鳳舸龍舟木欲竭鑿
汴浮鵝水土裂金火再恣樓上屏餘殃又冶堆藍鐵哆然一腹飽千髡指疊饗餐應萬劫禍炭
災柴知歲時棄擲荒郊成跛驚霜月煎熬秋復秋贏得遊人認大業人生今古何分別古非獨
巧今非拙愚智由來邪正歧歧陽石鼓千秋烈

祝家坂古松

郭孫俊

孤根盤鬱旁無倚屹立一幹轟空峙虬枝倒披逼層霄龍鱗半蝕枯不死爪拏煙雲勢伸縮籟
發天風浪奔駛黛色年深成老翠犯雪干霜不知紀憶昔展齒暫經過下馬摩挲情無已浪跡
歸來鬢欲斑柯葉不改尙如此世途平頗多殊形大運升沈靡定理功名事業貴有終慚對貞
松汗欲泚

關陵聽灘水

張鴻敘邑明經

灘水薄暮起烟霧淒聲偏向帝陵訴西嶺寒鴉驚滿樹臨流聽此誰忍渡

當陽縣志

卷之十八

藝文 七言古

七

宜昌印書館承印

題郭孝廉傳後

徐堂元和人

乾坤正氣鍾碩彥奇行表彰逢世變勁草無風等凡卉志節多由亂離見當明西賊流南東襄
陽既破傾藩封萬落千村遍荆杞烽烟處處途路窮當陽郭丈丁劬勤孝廉船泊蘆葦旁舊傳
一經無長物賊至束縛嗟無償有子毅然請行役一去不還良可傷婦悲夫去神魂失回首小
姑禍倉卒罵賊祇愁爲賊汚水火刀兵非所怵翁家不幸蒙艱貞惜哉野乘無其名佳傳幸得
大手筆讀之齒頰猶餘馨君不見倪尙書劉中允一門殉節並多人至今青史名耿耿

遊遠公洞

金國瑞新安人候選縣丞

沮北龍泉之西山峭壁寒巖千尺懸巖半有洞險而仄蒼茫薄暮浮層烟扶醉笑問遊山侶云
是遠公跌坐所中有殘碣臥莓苔模糊不解作何語伊予探奇輕躋攀捫蘿緣磴何其難撫碑
長詠聲激越石竇響應羣峯寒惆悵面壁人何在洞口雲影空盤桓

題郭氏三烈合傳後

馬棟大興人邑尉

汾陽著姓稱舊族孝義貞節本世篤當陽孝廉曰之都守此傳家講求熟苦遭明季百六時流
寇焚掠最慘酷買舟密竄叢荻間冀同兒女免屠毒詎料瞰蹤邏卒來罄橐獻金未饜足叱喝
翁媪隨之行一時口噤計窮蹙賴有孝兒名毓賢願代父行無穀餼烈女二姑年十七賊復持
刀脅使逐聲聲罵賊語森嚴頭顱倏破遭其戮賊去翁媪迺倖存有媳陶氏遁蘆澳歸舟聞夫

爲賊俘秀才此去安可贖義不從賊必受戕破鏡復圓事難續毅然沈死沮水濱孝子被擄卒未復吁嗟爾時國運衰君父扼腕少心腹甚且偷生闖賊前對此能無增慚惡一門三烈何其盛死而不死人競述迄今事隔百年餘令我津津仰芳躅

弔張沼亭名鴻鑑事詳忠節傳

熊經壁

君之祖母我族姑秋霜烈日節堪俱芳名已入烈女傳帝錫崇坊表通衢從來苦節無不報一子篤生五丈夫五人之中君其長少小人誇汗血駒文場馳突輕餘子理窟貫穿愧老儒無奈大器說晚成滄海年年泣遺珠居家惟事耕與讀兄弟和樂及妻孥大亂一遭起倉卒合家聚泣淚眼枯君忽大言謂諸弟祖宗禋祀宜早圖諸弟倉皇舍君去細弱安能涉危途次第投繯七共結玉隕珠碎在斯須君親見之乃大笑理繩從容自捐軀人生自古誰無死用文文山句節烈自與常人殊地下重逢君祖母悲不待言喜何如

沮漲行

張致青邑明經

丙子六月朔五日黃雲壓城雨不息殷空動地聲驚雷濁浪浮尸排山來橫溢勢欲汨山城長官冒雨拖泥行手把朱提催舟子爾多拯人多予爾邑侯石公名鼎捐銀百餘兩錦屏山南長坂北男婦奪出蛟龍窟誰何上樹誰升屋呼號聲聲聽不得爾槩少緩篙少停樹連根拔牆屋傾絆得長官駐沮西沮東還倚鄭公堤須臾忽報古堤潰奔流下與溢水會東北鄉連浩漫漫城頭聚觀空駭歎

當陽縣志

卷之十八

藝文 七言古

八

宜昌印書館承印

蔀屋千家久安堵河伯嗔怒爭此土我指洶湧問父老乾隆辛卯災較小翼日逢人慶無恙又聞漳江同日漲田禾園蔬歸沙泥今不苦寒亦苦飢罪彼陽侯聊作歌福星移照當如何

弔戰場過當陽作

王懷孟

弔戰場戰場非往古曰蓮禍發始於楚傷哉吾鄉之人罪罹苦峻嶺深山養豺虎豺虎之先小於狐與鼠一朝野火不撲滅從此三州震金鼓蒼生百萬賤如蠱鬼神造劫天無語冤魂鬱鬱守骨不肯散日月爲之變風雨天子神明立當宁虎臣桓桓士卒武九年征討十年平宇宙瘡痍元氣補至今人還鄉物歸主惟有戰場草猶腐亂墳壘壘埋不盡未必兒孫識宗祖朱睛惡犬不避人咆哮聞醒向風舞劫灰盪盡血未消此間萬古多紅土

擊賊行爲李烈女作良忠之女有傳

聶子英安業

漳之水日東注一村一姓水邊住李家有女穠如華豈知心是後彫樹戊午三月蠃賊來黃霧連朝天不開倉皇知誰落虎口全家骨肉散如灰阿女嫗婷阿母老驚魂飄向荒山道傷心賊更恣窮搜山靈不護幽蘭草刀光如雪繡領邊有心人肯作瓦全但恨不得甘心死阿母咫尺賊馬前兒死何敢累天只老人早辦一身死奮唾賊面不顧生死後但求作厲鬼白髮枉觸虎狼威斯時兒尙顧阿誰自忘雙腕生來弱九泉不肯束手歸手石擊賊鬼神泣可憐身死猶握石尸香數日何足論石上血痕今猶積男兒枉自誦詩書貪生畏死何足無君不見逆豎頭破

段太尉千載幾人扶大義

關陵

李暎蔡字香雪四川記名道

萬古詩人難下筆公名大與尼山匹我特蜀人敢妄言拜公如拜天中日公之忠義滿天宇公之精神貫今古彝陵雄郡古荊州知公死不忘斯土斯土遙遙障蜀東當年伐魏表精忠天下三分心一統我所見武侯同可惜襄樊功頓棄捧頭痛哭見高帝直拚一死殉中原凜凜千秋有生氣何物仲謀太無恥么麼安足令公死靦顏偏肯拜曹瞞甘作亂臣與賊子花草吳宮豈尚存百世唾罵江東孫恨不收聚六州鐵鑄彼阿蒙跪墓門墓門屹對當陽縣俎豆江山長不變永安風雨惠陵烟忠魂夜夜往相見靈旂拂拂捲風雲曰帝曰王豈樂聞不見墓前一片石特書大漢前將軍將軍往矣聲靈在位號重重加歷代玉泉山畔土一坵婦孺咸知望陵拜丹心浩氣干雲霄今代神功尤顯昭臆語測公公應笑煌煌漢統在熙朝

石龍灘

王焜燿邑庠

飛湍激波散作兩股若雷聲急若鼓由來有龍臥中流流欲直趨龍不許龍形之高一丈餘龍勢蜿蜒畫不如沙為鱗甲石為首中有魚口口多魚漁師日日跨龍背捕魚喜看魚爭避倏然一葉劈流來懸空陡落驚心碎見說巫山三峽長更聞灩澦瀨並瞿塘灘勢不知誰險易我欲與此相較量奇險似經神禹鑿龍門突兀噴珠瀑呼起灘頭漱石人為霖徧錫蒼生福

當陽縣志

卷之十八

藝文 七言古

九

宜昌印書館承印

過土地嶺有感

在呼兒山兩與遠安接壤白巾之變鄉人設禦於此死節者甚衆縣令汪曾查勘詳報先載州志

汪培鑑邑附貢

西風壘上雲堆墨蟻聚蜂屯白巾賊猖獗遙從川陝來旌旗蔽空山嶽黑卓哉我民矢蓋忠子有袍澤我與同裹糧擐甲伺嶺側誓將一戰殲羣兇無那鄉團疏步武匪徒詭譎馳如雨烽飛綠野矢流星血染青山淚沾土淒風苦雨剩荒邱定有英魂此去留栽得空山松竹滿貞心勁節幾千秋

五言律

送沙門宏景道俊元獎還荊州應制

宏景玉泉寺僧先是景表請高僧十四人同住寺

唐宋之間

一乘歸淨域萬騎餞通莊就日離亭近彌天別路長荆南旋杖鉢渭北限津梁何日舒真果還來入帝鄉

宿玉泉寺

周樸

野寺度殘夏空房欲暮時夜聽猿不睡秋思客先知竹迥煙生薄山高月止遲又登塵路去難與老僧期

題玉泉大師智者影堂

五代僧齊己

大化鍾華頂靈蹤亦玉泉由來負高尙獨向好山川洞壑藏諸怪松杉列瘦烟千秋空樹影猶似覆長禪

玉泉寺

明張四知

寶地何年結祇園此日逢泉流飛瀑布塙勢湧芙蓉野鳥來深竹閒雲出遠峯塵纓如可謝從此託孤蹤

玉泉寺

李維楨字本甯京山人禮部尙書

策馬不能去徘徊雙樹間地偏芳草合天迥白雲間開徑惟聞鳥閉門猶見山長松挂明月一

當陽縣志

卷之十八

藝文 五言律

十

宜昌印書館承印

鶴夜深還

其二

西來山盡好復此一峯幽水月心俱寂金銀氣自浮嵐光晴不夜春色淡如秋雙頂青冥上孤雲任去留

過關王廟

楊洲

三國由來遠英雄跡未沈西風吹雁過黃葉擁階深山帶吞吳氣天知復漢心當年有遺憾憑弔欲沾襟

清晨登玉泉山先日大雨

孫文龍常熟人木府知府

雨過溪流急山開曙色分寒烟依澗樹飛旆出松雲鍾乳清猶滴仙茶翠不聞玉泉疑倒噴晏坐欲斜曛

平將軍祠

黃輝南充人翰林

嗚咽沮流過低徊椰陰攢一坏存化碧百戰付圖丹有子宜陪食無人語禮官未應忠孝魄長共國殤寒

正月四月紫蓋道中

袁中道

野客遊山興還隨春草生近雲遮馬過遠樹照人明西嶺眉如疊南田掌似平斷鴻零落甚仗

有道林兄

胡文定墓

袁中道

長袖峯如折寒枝翳古印徑荒麋跡亂階淨鶴翎留風氣有時息松聲不肯休春王正月裏一盞酌康侯

題聖水寺

無跡法師薙髮地有田四十畝

雷思霈

聖水何年寺深山半夜鐘有僧開法席無地即田農天眼千山月潮音兩澗松僧來籠小栗爲說草茸茸

遊慈化寺

雷思霈

一入臨沮境嵐烟似黛鬢村村皆佛土處處是仙山暮雨隨舟至春雲逐鳥還漫遊存野性濁酒笑醜顏

初夏偕栗生聯芳遊紫蓋

李達字生培安居人御史

紫氣蒸如蓋雲鬢插翠峯藤深無徑入丹熟有人逢榻靜閒敲月風輕漫度鐘伊人知有在且自溯徊從

登孝先閣

任紫蓋寺

栗聯芳邑孝廉

閣在最高頭江帆一望收石林虛綵水烟樹臥荒邱境僻堪逃夏櫺空別貯秋孝先呼可起肯

當陽縣志

卷之十八

藝文 五言律

十一

宜昌印書館承印

令此生浮

玉泉寺

栗聯芳

曲澗流泉白重巖野洞幽燈懸雙樹曉葉落萬峯秋冬至風常冽春來草自柔那知生滅相無不是浮鷗

遊麥城

楊誌邑人

霽色分江口長歌走麥城野花誰是主芳草不知名路轉人烟隘沙乾馬足輕勝遊咸已醉村笛兩三聲

望音寺崖

僧正誨

說是隋朝寺稜稜在幾層村連雲起伏山接水奔騰覆嶺千盤樹橫崖一挂藤半峯荆棘路歷望不堪登

將發玉泉

徐鑛字眉雲江陵人吏部

曠遠江城北名山望已通稻翻千頃綠花發一溪紅晚照人行處春光鳥語中前村好問宿籬落霧濛濛

聖水寺尋遍雲和尚結菴處

國朝栗引之邑選貢

絕頂流清梵梯危費討尋山能豁鈍眼水亦壞塵心落葉三秋雨奔濤一帶琴茅菴何處是洞

口暮雲深

夜宿紫蓋精舍兼懷深柳

王廷相邑少尉

恐負山靈意禪房借榻眠俗情除筆底吟興動燈前月上昏如曉雲開洞有天勝遊思友共遲舞讓先鞭

迴峯書院對月

方璫

玉陽長作客漸減故園情對此瑤華夜偏令旅思生乾坤雙鬢白江海一輪明不礙微雲點何嘗滓太清

方山

劉續祖

探奇曾種種晚乃得方山塵自無緣入高非不可攀竹青光欲滴松老韻都閒祇有雲來往勿庸更閉關

其二

一意成孤眺放懷天地寬人家住山脚鳥路入雲端烽火勞宸慮阜圖鞏石磬清時真有味白首欲彈冠

三公臺晚眺

張鴻叙邑貢

凌空氣象開羣嶂抱高臺沮水碧千頃錦山翠一堆暮雲寒樹影粉堞峙烟隈幽賞情無已數

當陽縣志

卷之十八

藝文 五言律

十一

宜昌印書館承印

聲牧笛來

真武洞

邱種芝邑貢

真武何年洞今來興自賒雲飛常近壁樹老自生花剔蘚看殘碣捫蘿帶斷霞徘徊無限意寒堞夕陽斜

佛耳巖

葉文在

路僻行人少洞深暮靄多黃茅如細麥碧蘚似圓荷山鬼深藏箬野猿渴飲河鵠灘清見底坐石濯流波

玉泉寺贈闍曙上人

李奏敷邑貢

亭午啓松關閑來參老禪金池堪掬手鐵堦任當肩空盡想非想再開天上天長留獅子窟勿負此山泉

西屏山

李青

素心依白社曲徑接層巒怪石封苔古孤雲出岫寒雨過鐘響靜風細鳥聲歡問法逢支老秋高興未闌

春日遊西屏山

熊經壁

漸覺行人少山雲冷未開平岡將盡處一面破空來隱約浮嵐氣分明絕點埃登高須踴躍歧

路莫徘徊

其二

到來渾不見野店兩三家竹外鴻呼雨壚頭客喚茶巖分山骨斷徑劈石梯斜甫覺危坡盡奇
峯一望踪

弔賀國楠事詳忠節傳

熊經壁

賀監蕭疏甚終年在醉鄉危能敦大節行不厭清狂伴自生前結名因死後芳一言聊慰女愛
子幸無傷

弔楊磊軒名達天事詳忠節傳

熊經壁

往事從頭想論交子最真那堪尋舊夢不復見斯人慷慨翻成累聰明乃喪身人生誰不死慘
酷實傷神

其二

更有傷心事臨危兩子從巢傾完卵少雪積肅霜重白骨支頹壁秋風語亂蛩可憐泉路客聚
首恨何窮

其三

長子予高弟能文世共知方期成遠大不道值艱危熱血應成碧書腹定化芝及門重聚首遺

當陽縣志

卷之十八

藝文 五言律

十三

宜昌印書館承印

事豈堪思

弔謝羲池事詳忠節傳

熊經壁

大義人皆識申明實賴公讀書方樂道聞變即從戎灑淚羣心奮橫戈膽氣雄三月初六日賊由東門
南陽馬隊救之射殺數人賊始退公入夜呼至今同志者長自說英風出倉卒無備東營幾潰
集散旅守備單薄反弛衣而臥聞者壯之

其二

兩至危城下心雄命轉輕高談羣賊怖策馬萬人驚大帥資籌策殊方識姓名可憐身死日功
已居垂成

登堆藍山頂

張致青

搔首青天近羣山倒地平帶長曲沮水丸大玉陽城往古人何在臨風我欲行悠然盪臆胸靄
靄白雲生

玉陽八景錄二首

堆藍晚翠

王朝枏邑令四川人庶吉士

好山如畫裏晚景倍清酣落日含蒼翠諸天擁蔚藍泉聲爭漱玉塔影倒遮嵐指點郵亭路征
人欲解驂

鵝岸漁歌

兩岸漁歌起扁舟下急湍幾家楊柳曲十里蓼花灘午夢驚醒秋聲和雁酸好攜黃鶴侶醉舞傍江干

過當陽長坂

刑部主政王柏心子壽監利人

得人似高帝強對憚曹公夏口奔難達滎陽厄正同蛟龍乏雲雨豚犬誤英雄回首橫矛處千林激大風

同馮展雲學使遊玉泉寺

王柏心

鷲嶺鬱蒼蒼諸峯拱梵王法雲彌郢郡山翠壓沮漳鐵塔風煙古花臺澗壑芳昨聞青過犢龍象竟無傷

其二

曲江吟賞後使節復登臨各有陽春奏同追大雅音高軒停壑谷遊屐歷山林野客才衰謝徒然喜盍簪

偕觀珍珠泉

王柏心

漱玉臨丹壑跳珠溼白雲光激寒愈潔響細靜方聞鳳利垂空映虹梁界道分未能尋乳窟仙掌闕靈芬玉泉山有乳窟產茶名仙人掌

當陽懷古

李暎棻

當陽縣志

卷之十八

藝文 五言律

十四

宜昌印書館承印

蒼莽當陽縣沮漳楚水通崎嶇歷長坂喪敗哭英雄生死妻孥寄君臣患難同我今尋舊壘一路捲悲風

丹井

姚錦江

仙蹤滯嶺巒紫氣孕金丹妙悟花千疊功成月一丸松雲護春曉梧雨滴秋寒莫作非非想心清慧葉完

仲宣樓

賀 緘邑明經

倒屣憐才子登樓一愴神文章高漢魏書劍老風塵烽火秦川路烟花楚塞春王孫歸未得惆悵曲沮濱

張燕公碑在度門寺

賀 緘

萬里銜王命諸天列上方泥封傳絕塞手筆冠三唐苔蝕豐碑古花開驛路香龍蛇遺蹟在山水翠映沮漳

唐子方讀書臺

賀 緘

白髮江湖老丹心魏闕憂九州傳諫疏一代仰清流野寺寒烟外荒臺勁草秋讀書期報國嘯傲寄滄洲

玉泉寺

賀 緘

梵宇知何處疏鐘出遠林山隨雲影活春到寺門深隋鑿荒苔暗唐碑古道尋珠泉清淺水一
爲洗塵心

登萬壽山

劉在鎔邑庠

百丈渺雲際倚欄澄遠眸林圍空外障廟占古時秋地僻書聲迥天低鳥語幽胭脂湖上望新
月朗如鉤

當陽縣志

卷之十八

藝文

五言律

十五

宜昌印書館承印

五言排律

紫蓋山還經玉泉寺

唐張九齡

指途登楚望策馬傍荆岑稍稍松篁入冷_匕澗谷深觀奇逐幽渺歷險忘嶮嶽上界投佛影中
天揚梵音焚香爨在昔禮足誓來今靈異若有對聖僊其可尋高僧聞逝者遠俗是初心蘇駁
經行處猿啼燕坐林歸真已寂滅留跡豈湮沈法施自此廣何云千萬金

陪張相公祠紫蓋山遊玉泉

孟浩然

望秩宣王命齋心待漏行青衿列胄子從事有參卿五馬尋歸路雙林指化城聞鐘度門近照
膽玉泉清皂蓋依巖憩緇徒擁錫迎天宮上兜率法界豁幽明欲就後焉志先聞智者名人隨
遊水沒山類覆舟傾想像若在眼周流空復情謝公還欲臥誰與濟蒼生

遊玉泉寺僧談征調供億之苦因賦

明李維禎

徑曲泉能遶山迴寺忽逢舟誰藏大壑玉自削羣峯翠壁蒼苔淨丹崖紫氣重登高窮下界選
勝擬南宗梵宇隋唐構伊蒲楚蜀供嵐沈不辨塢風定一聞鐘樹古曾棲鶴溪深尙臥龍殿陰
寒薛荔簷際墮芙蓉蘇駁生金_罽藤羣化石松天花春已樹雲碓夜猶舂藻井纏蟲網珠林過
虎蹤傳燈遙乞火伐木近支筇問道無閒士營生亦老農飯牛依磬鉢收豕辦租庸酥酪清齋
少袈裟俗禮恭歲當饑饉後地扼往來衝上客頻傳食空王豈素封攢眉今夕酒蓮社暫相容

文廟告成恭紀十四韻

國朝方 璵

十載 黌宮念今朝喜落成賢侯倡締造多士費經營櫛戟規模大齋庖結構精昔年傷草茂
一旦見芹清馬肆方無歎奎文煥可驚但期斯道重頗覺此氈輕傳舍奚容戀甘棠永足貞
聖靈自茲妥愚悛不忘誠咸仰膠庠肅還看孝秀盈窮經爲正業講藝乃餘情惟在敦儒行何
嘗薄世榮曩賢崇廟學後代艷科名輪奐勿徒羨淵源好自宏關閩多墜緒紹述望羣英

春日登玉陽山

黃映芝 邑廩生

最是探春好玉陽高處行提壺邀舊侶步履趁新晴小阜多幽徑單椒半倚城川遙吞漢沔洞
古翳榛荆荒利寒烟靜殘碑野蘚橫曠觀情獨渺憑弔興彌清二妙欣能聚四難喜得并歸來
不厭晚鉤月女牆生

當陽縣志

卷之十八

藝文

五言排律

十六

宜昌印書館承印

七言律

覽玉泉張孟二公題版

五代僧齊已

高額雙懸張曲江聯題兼是孟襄陽後人才地誰稱短前輩經天盡負長勝景飽於閒採拾靈
蹤消得正思量時移兩杖成塵迹猶掛吾師舊影堂

報恩寺

明沈 慶 餘杭人副使

荆楚西南第一峯梵宮森列案重重聞經清唳松陰鶴聽法香翻鉢水龍徑曲每憐蒼樹合林
深時有白雲封凭高撫景情無盡回首楹廊遞晚鐘

報恩寺步沈公韻

鄭 崇 懷安人進士本學教諭

梵宮深隱玉陽峯駐馬閑登紫翠重祇樹風生聞唳鶴空堂雲出見降龍地幽應少紅塵到砌
古偏多碧蘚封自是勝遊歸路晚半林殘照度疏鐘

龍泉寺

方 豪 開化人僉事

爲訪高賢駐使車因愁落日造禪廬龍潭夜逼軒窗冷鼉鼓秋傳澗谷虛竹徑獨行僧定後松
花飽啖月明初吾生未必真凡骨何事頻年理簿書

仲宣樓

童 時

登樓四望欲銷憂極目平原草木秋歲月忽驚人已遠江山如待客重遊峽中水接濤聲迥城

上雲連樹色稠公暇幾回傷往事不堪爲客更淹留

謁關帝廟

鄭克昌

英雄非數誰能死拭淚封陵倍慘愴衰祚三分噓火德
日爐焚汗血香堪笑孫曹多智意擲揄蹤跡總荒涼

一線繫春王青天燭照丹心色白

度門漫興

僧正誨

天詔曾聞下玉泉一回經此一潸然斷碑有字埋荒草廢壇無名起暮煙衣自六傳滄海變法
當千載鬼神憐今人不識唐朝寺只把金沙作墓田

同雷大史徐上舍宿紫蓋寺

劉芳節 宜都人孝廉

衡岳飛來第一峯峯形如蓋紫蒙茸樵山舊侶迎徐孺蓮社新盟得次宗百丈倒窺丹井碧一
龕深照佛燈紅松簧也解膺禪韻卻共簷鈴話夜風

百家洞

栗聯芳

望中雲窟出巖巖馳馬還從頂上旋一壑朝來能盪日千山圍處不遮天只堪樵徑依雲闕恰
好僧房對月眠已識周何皆有累誓於此地學參禪

登仲宣樓

劉楚先 字衡野江陵人大學士

西京新命重鳴騶何向危城作寓遊輦顛虞傷去漢詞人通倪尚依劉疏楹自拭昭邱月離

當陽縣志

卷之十八

藝文 七言律

十七

宜昌印書館承印

黍空含渭井秋名在江山猶借勝芳華遙挹麗譙頭

龍泉寺過胡文定公墓

楊誌

羸馬迢迢一徑偏萬峯深處見諸天山頭白鶴飛來雪潭底金龍噴作泉叢桂有情留小隱松
楸勿語怨南遷登臨莫問興亡事烟雨霏霏度石田

登仲宣臺

黃聖年

彈丸四塞本巖疆荆首西來抱玉陽編郤陰森權口遠沮漳迢遞楚陵荒金沙漫意仙攀井石
馬猶驚古戰場惆悵王孫歸計錯山川搖落賦空長

遊紫蓋寺

國朝梁焜

古道青莎過雨痕上方登步未黃昏禪心不比階前草逸興偏尋嶺下源春至藥苗常自種夜
來貝葉幾人繙櫬槍四合天難問且坐山扉聽鳥言

遊紫蓋寺

汪士傑

策杖閒探紫蓋奇白衣隨處染松脂遊山戴雨頻侵骨載酒逢僧不縐眉採藥問人收幾種談
禪傍我坐三尼夜深頓覺諸緣靜疑是雪峯星見時

謁胡文定公墓

楊州彥

西風颯沓弔忠魂閒拂殘碑別蘚痕蔡耿深讒名愈重春秋絕學道長尊千層嵐影留華表一

脈泉流繞墓門舊是先生結茅地亂鴉古木正黃昏

其二

皂帽青衫拜棘叢忠魂應繞舊邱中循環治亂今同古挽轉艱難我夢公龍老臥殘徒噴沫松
寒禿盡尙號風深山是處傳豺虎愁近黃昏山月空

堆藍山

楊州彥

到處名巖推險峭堆藍翻以樸成尊安禪跌坐降諸衲短髮蒼顏俯衆孫亂石觸泉醒鶴夢
雲巾樹冷山魂幾時移向濤聲裏小結茅亭倒挂門

玉泉寺

梁山金

欲譜名山恨未全堆藍絕勝可人憐細尋石路無雙寺不讓茶經第一泉意到忘時方味佛身
經劫後且逃禪從今穩作烟霞計載酒長吟踞此顛

玉泉寺

栗引之

堆藍不與衆峯羣涎玉沫珠眼底分雲裏鐘聲衝斷壑樹迴嵐氣湧層雲典型拜指前朝鼎苔
蘚斜封短劄文萬古名山誰護法臨風卻憶漢將軍

智者洞

汪鴻映
邑庠

春深人事頗從容信步禪扉問北宗怪石巉巖蹲虎豹蒼藤曲曲舞虬龍佛書讀罷山花落僧

當陽縣志

卷之十八

藝文 七言律

十八

宜昌印書館承印

飯熟時客逢跌坐伊人不可見空餘洞口暮雲封

尋桂過大通寺

李芳
邑令

公餘耽靜不開扉爲訪天香到翠微十里坡長官路窄三家店冷野田肥丹楓半染黃沙樹夕
照前堆藍水磯雙桂千年山寺裏大唐留碣長苔衣

萬壽觀

劉續祖

當年先子藏修處他日哲人提命堂謂徐白雲已向夢中悲手澤還從笛裏哭山陽蛙鳴湖水依前

綠雨過山松照舊蒼回首生成空彷彿何堪燈火影涼

玉泉後山道中

李作人
邑孝廉

朦朧曙影啓霜天蹋蹋衝寒向玉泉松響千山成爽嘯野燒十里剩孤烟藤蘿仄徑我初入虎
豹沿溪人蚤還策馬雲窩翹首望羣峯四合總蒼然

登三星寺後山

李作朋
副榜

葛衫箬笠手相牽喘步巉巖倒地眠茗椀清涼來下路漁舟款乃指前川荒邱一碣魯魚字狡
窟千年野狐禪蹋到絕巔談往事三星可摘欲捫天

郵亭夕照

玉泉寺

郭孫俊

斜日諸天已半昏空亭殘照帶山門泉沈霞影凝花片烟鎖林光作雨痕倦客指村急飛鳥野

樵歸徑亂啼猿上方鐘磬松梢度晚誦遙應貝葉翻

楚昭王墓 在城東北八十里

林可法

漳濱立馬望昭印封樹依然傍細流溪水有情咽今古土人無事話春秋賢將六百崇書社教及三千重楚侯南國舊成文物地未應齊魯是中州

謁葛真人廟

王廷相

不能皈佛擬依仙洗洗塵襟叩洞天千古雲霞常會合兩山龍虎自盤旋疏鐘古磬風聲遠豐草長林日影遷丹竈久無智井在許誰重達已枯泉

長坂懷古

劉學夔 邑貢生

坡前聞說舊軍屯血戰當年蹟尙存長使精誠迴日月直教膽氣壯乾坤祠堂擬報千秋烈營壘難招萬古魂憑眺茫茫無限感鴉聲歷亂正黃昏

拜聶韞夫先生墓

劉學夔 邑貢生

雲斷寒空滿目秋閒來剔蘚拜荒邱粉身惟有丹心在血戰長將浩氣留漠漠山猿啼夜月冷花雨淚溪流低徊欲作招魂賦黃葉西風一片愁

郵亭夕照

葉文在

蒼涼古道置郵亭落照茫茫滿野汀客子愁聞楊柳曲老僧高說涅槃經空山寂歷人全少野

當陽縣志

卷之十八

藝文 七言律

十九

宜昌印書館承印

店蕭條戶半局莫道夕陽歸去早晴空水浸一天星

仲宣樓懷古

李玉林 知縣

沮漳流水自悠悠人往風微盛概留當代英雄能輔漢天涯才子不依劉一篇錦繡傷心賦萬里河山極目憂割據興衰長已已山城千載仲宣樓

拜聶韞夫先生墓

楊宗濂 荆門人

艱難未造一身輕坏土千秋浩氣生孤挺黃沙支大廈滿腔赤血奮長城雲旗尙繞蒼碑斷古賦堪澄漢水清公有大別山賦見原志俎豆荆南綿永祀冠裳一望肅尊榮

弔馬雲浦少尉夫婦 事詳忠烈傳

熊經壁

一失孤城萬姓殘呼天空自泣卑官漫言事急捐軀易須識時危措手難白練雙投千古恨黃泉對語兩心酸褒譏自有公評在若問臣衷死即安

弔羅鶴亭 事詳忠節傳

熊經壁

名場耆舊悵惆殘遺恨如公死豈安辛苦半生方入選纏綿一病未之官身當危處眉長鎖賊盡誅時骨已寒最是諸兒勞記念無家空自告人難

玉泉山寺醉中書懷

張致青

狂歌走入梵王宮兩耳非因棒喝聾陳迹偶然留勝土公安袁中即兄弟本邑粟宋諸先生名山自古屬英雄漢前將從軍祠

來憂樂關天下多少榮枯在眼中醉裏夢魂都不擾塵寰毀譽任雷同

麥城弔古

聶子英

白衣搖櫓沂江波奈此芳仁貳賊何受敵磨盧謂驢城悲氣數出師宛洛恨蹉跎兒童尙說還魂

記謂演義諸奇蹟草木疑揮落日戈杜宇千年啼不斷吳宮魏闕總成莎

遊玉泉山甲寅亂後作

李映葵字香雪四川人

九死餘生萬念刪驚魂纔定且躋攀泉聲綠瀉鱗鱗玉樹色藍堆面面山漢將丹心靈蹟在隋僧白足道場間經樓悟得無生旨欲買楞嚴日閉關

九日與諸友人登玉泉山

賀絨

選勝攜朋興不孤斜斜野徑問樵夫路逢鳥讓風還阻人似蛇行屐并無小住半山分石坐病身一葉仗雲扶松濤響處泉聲細蕭寺回頭似畫圖

其二

相對茫茫百感生登臨到底是間情無窮心事拚成醉如此溪山竟得名草白憐將秋色老時清剩有陣雲平英雄幾點千秋淚灑遍楓林一路橫

玉泉東堂桂花

賀絨

鼻觀微聞風露涼木樨參透費思量花從僧舍開無俗樹帶秋容病亦香樹病蟲葉盡脫僧以硫黃薰之得愈招隱許

當陽縣志

卷之十八

藝文 七言律

二十一

宜昌印書館承印

同孤月靜留人遍閱使星忙高軒往來皆館其中前身我是如來否金粟叢中態更狂

石龍灘

王廷彥

千尋石脈走來龍有客觀瀾此拄笏風捲浪花驚雨洒日圍樹影有雲從濤頭直接寒山雪岸脚如喧古寺鐘間抱一竿垂釣便灘前鱗鬣挺長松

盤龍山

在小坂窩山勢起伏如龍之盤

汪金南邑恩貢

青山一帶擁峻嶒龍脈離奇澗氣騰本有風雷生四壁也教鱗甲露千層君真高臥同諸葛我本無才愧李膺出岫有雲能作雨應多膏澤慰黎蒸

白龍洞

胡炳暉邑貢生

黃茆秀出與天齊繞郭人家一望低象嶺西來饒爽氣獅山東駐壓深溪狂風捲水驚龍化華表千雲想鶴棲勝境留人重轉眼翠微深處草萋萋

白龍洞

鄧肇基邑庠

仙源高迴水溶溶自是天開第一峯此地幽棲疑鬼谷何年騰躍見神龍石懸鐘鼓隨聲應山溜金銀照眼濃靈物雖然飛去也千秋未了白雲封

遊玉泉山寺

賀繩邑明經

劫換紅羊古蹟空堆藍不與衆山同唐碑字沒蒼苔裏隋鑊光騰夕照中西望彝陵嵐氣合東來漳水淡煙籠晨鐘暮鼓泉聲外喚醒途迷恨不窮

五言絕句

堆藍

朝自堆藍去暮自堆藍還堆藍無所慮祇慮樹遮山

明袁中道

乳窟月下聽泉

一月在寒松兩山如畫朗欣然已成行樹影寫石上

袁中道

仲宣樓故址

東景已西馳南樓懷北鳥空憐倒屣迎疇達薦賢表

聶登第

梯兒巖

朝看山色青暮看山色紫山色本無情余心得妙理

王應麟
邑庠

其二

烟深山徑幽葉落風林響一旦步階梯直到青雲上

玉泉山中早起得句

國朝聶子英

曉起山雲白對面失山樹野鳥無數啼聞聲不知處

入玉泉山效袁公安體

聶子英

歷歷路旁山重重山上路尋山未到山喜見山頭樹

當陽縣志

卷之十八

藝文

五言絕句

二十一

宜昌印書館承印

七言絕句

寒亭
在玉泉山

無名氏

朔風凜凜雪漫漫未是寒亭分外寒六月火雲天不雨誰君來此凭欄干

四賢堂

劉巽
邑貢生

父子康侯朱弟兄象山輩出號明經直言抗疏燈籠錦諸老遺風尙典型

白社

劉巽

易貌凝鉛妙出神玉津不夜枕長春灑巾白甌林泉隱千載高風白社人

報恩寺留別鄉僧

任翰

仲宣樓下水如烟細草平沙接梵天老去蜀僧歸未得清秋魂斷楚雲邊

子胥港

孔克孝

春漲瀾漫帶雪流柳陰終日繫扁舟伍員已去英名在都付溪翁看白鷗

初得玉泉響水潭

僧正誨

到處名山策杖行歸來還愛玉泉清乞錢買得蹊三畝流水聲中過一生

其二

斷巖曲水石磷砢好向茅廬寄此身綠樹不翻紅葉雨青山還照白頭人

歸經玉泉

猶是山中九月秋來時流水夜中幽泉聲不在有泉處曾向林蟬嶺月求

鍾惺

大水謠

九子山中鳩亂啼合溶鎮上馬頻嘶淫霖十日沮漳泛時有衙官來護隄

邑令區懷瑞

紫蓋晨鐘

繖蓋垂垂護紫峯洞天舊有葛仙蹤曉風乍起晨鴉醒時送一聲雲外鐘

國朝方 瓌

龍泉夜月

月到上方分外妍尼珠朗朗映寒泉當年文定讀書地惟剩清光照墓田

堆藍晚翠

松風石鼎妙聞香頻歲南華願渺茫曾記覆舟山下宿半天空翠落禪堂

長坂雄風

突出重圍絕代雄錦屏草木識英蹤至今長坂坡前路膽落常山趙子龍

鵠岸漁歌

鵠灘彷彿舊烟波客是當年張志和爲愛漁舟爭唱晚西屏山下夕陽多

錦山牧遂

當陽縣志

卷之十八

藝文 七言絕句

二十二

宜昌印書館承印

彌望寒山掛落暉無腔短遼放牛歸牧童那識興亡事閒逐飛鴉下翠微

玉橋秋雨

紛紛落葉滿山椒一帶寒林已半凋無限客心淒絕處秋風秋雨玉陽橋

金嶺朝煙

數聲喚起攪人眠鳳嶺春光覺早妍一片迷離三月暮垂楊垂柳帶寒烟

方山八景

錄二首

劉續祖

化鶴歸來應自傷何須世事歎滄桑只今瘞劍曾留石劫火燒殘字幾行

黃冠斷碣

七級何年筆太空亭亭描雨復描風仗伊還點東山境界破斜陽兩半紅

夕陽塔影

梯兒巖

宋光鰲

山寺層層傍水灣雲樓百尺起松閒客來漫送憑高目獨鶴秋空意自閒

夏日珠泉卽事

熊經壁

活水溪邊一徑斜寒巖古木護僧家風來檻外輕如許醉後呼童好試茶

秋日憩鳳凰山麓

熊經壁

滿岫歸雲掩復開長歌隨意蹋蒼苔牧牛兒向山邊笑沽酒人從郭外來

鍊丹井

張致霄 邑庠

紫蓋峯頭一井乾仙人曾此鍊金丹祇今勺水歸何處化作石林烟雨寒

望青溪

張致青

一抹白雲西復西遙從天半認青溪不知古木森森處若箇幽人得所棲

漳上詞

錄二首

聶子英

二水中間古麥城岸花汀草帶愁生孤舟莫向城邊泊夜月千家擣練聲

俗以清明日上塚

仙女廟前草長時昭姬港上柳如絲掃蠶須趁清明好莫怪農家上塚遲

方山雜組詞

錄二首

張致青

秋江淼淼哨帆行上水船輸下水輕日暮煙籠烏柏樹門前立地望歸人

登山臨水春復秋間披青史挹風流醉中忽抱千年恨百尺臺傾未補修

玉泉大士閣二月十九日燒香詞

錄二首

張致青

菩提菴址石重重智者洞門鬼斧工人語不知何處落山樵立在翠微中

遊塵攪亂一溪雲顯烈祠高護紫氛何處健兒飛馬到觀音不拜拜將軍

葛仙樓

方外清 蓮

爐中仙藥足延年一度烹來一度然想見功成丹出鼎香飄柯止徧山川

慈雲片匕護春田不負農家拜井泉一掬能分千頃潤綠楊村落雨如烟

每逢早時鄉民禱於丹井甘霖即至

當陽縣志

卷之十八

藝文 七言絕句

二十三

宜昌印書館承印

石龍灘

王汝章 邑庠

禹鑿龍門雙石破茲灘之石尙猶龍浪花吹作條條雨溼透溪雲第幾重

望青溪

汪培鑑 邑附貢

疊嶂層巒望欲迷白雲深處是清溪而今講易人何在惟聽猿聲不住啼

響水潭

在呼兒山南溪有石龜水流響徹數里

汪煥然 邑庠

鳳凰山下水潺湲前有鳳山不減廬山瀑布泉俗耳箏琶都洗盡聲聲漱玉徹雲天

